

四庫全書

集部

欽定四庫全書

御定歷代題畫詩類卷一百六目錄

獸類

韋偃牧馬圖

宋蘇軾

奚官牧馬圖

元元好問

子昂風林牧馬圖

元劉因

子昂摹韓幹牧馬圖

元吳師道

題趙子昂所畫牧馬圖

元貢奎

牧馬圖

明陳政

題伯時畫頓塵馬

宋黃庭堅

輓馬圖

金張澄

題袁塵駒圖

元虞集

輓馬圖

元王惲

袁馬圖

元楊維禎

題李龍眠畫滾塵馬

元張天英

題趙仲庸所畫滾塵馬

元唐肅

題張參政所藏驄馬滾塵圖 元朱德潤

袞塵馬圖 明高啓

袞塵馬圖 明陳昌

楊祕監下槽馬圖 金黃庭筠

曹將軍下槽馬圖 元揭傒斯

曹霸下槽馬 元虞集

題廢馬圖 元王惲

御驃出殿圖 元王惲

題曲江洗馬圖

元倪瓚

戲題出洗馬

元趙孟頫

奚官洗馬圖

元張雨

洗馬圖

元張伯淳

趙子昂浴馬圖

元劉因

李伯時畫浴馬圖

元楊載

題浴馬圖

元鄭韶

揩養馬圖

元鄭元祐

題趙仲穆揩癢馬圖

元朱德潤

題趙仲穆擦癢馬

元張天英

揩癢馬歌

明華幼武

題趙榮祿揩癢馬圖

明闕名

題曾無疑飛龍飲秣圖

宋戴復古

飲馬圖

元楊維禎

題飲馬圖

元傅若金

題唐叔美飲馬圖

明張鳳翼

舞馬圖

元張伯淳

題立仗馬圖

元柳貫

題趙翰林畫立仗馬

元張天英

子昂逸馬圖

元表楠

逸馬圖

元表楠

試馬圖

元表楠

散馬圖

元表楠

鞭馬圖

元表楠

絡馬圖

元表楠

題振轡馬

元丁立

題唐圉人調馬圖

元陳深

黃門飛鞚圖

元姚遂

奚官牽馬圖

明王禕

賦蔣錫若水番馬圖

宋樓鑰

李早蕃馬圖

元王惲

題番馬圖

明殷士儋

李潛宛馬圖 元王惲

金馬圖 元虞集

西馬圖 元張天英

胡馬圖 宋郭祥正

胡馬圖 明解縉

胡馬圖 明王弼

胡馬圖 明祝允明

瘠馬圖 元揭祐民

題瘦馬圖

元蒲道源

題壽監司所藏瘦馬圖

元薩都拉

題胡環瘦馬圖

元丁立

龔聖予畫瘦馬行

元馬臻

題張戡瘦馬圖

元姚文奐

題張戡畫瘦馬圖

元郭翼

題張戡瘦馬圖

元鄭東

題進士卜友曾瘦馬圖

明張以寧

題老馬圖 明僧妙聲

病馬圖 元劉因

病驥圖 明周忱

題人馬圖 元陳旅

金人馬圖 明高啓

題西戎獻馬圖 明吳寬

題進馬圖 明劉崧

陳居中進馬圖 明凌雲翰

御定歷代題畫詩類卷一百六目錄

欽定四庫全書

御定歷代題畫詩類卷一百六

獸類

韋偃牧馬圖

宋蘇軾

神工妙技帝所收
江都曹韓逝莫留
人間畫馬唯韋侯
當年為誰埽驂騑
至今霜迹踡長楸
圉人困臥沙隴頭
沙苑茫茫蒺藜秋
風髮霧鬣寒飈颼
龍種尚與駕駘遊
長稽短豆豈我羞
八鑾六轡非馬謀
古來西山與東丘

奚官牧馬圖

息軒畫

元 元好問

曹韓畫樣出中祕燕市死骨空千金息軒筆底真龍出
凡馬一空無古今安閒自與人意熟瀟灑更覺天機深
奚官有知應解笑世無坡仙誰賞音

子昂風林牧馬圖

元 劉因

駟馬不受人間齷春入川原草如髮老髯背面心已知
眼底玄黃總凡骨相親柳下那作疎泚默此意今為圖
竹林之賢固奇士晚歲絕交真可吁

子昂摹韓幹牧馬圖

元 吳師道

開元內廐多名馬畫手無雙數曹霸弟子韓幹筆意新
承恩亦向天墀畫舍毫拂練五雲動旋闕轉軸羣龍化
圉人臨閑振金索御鞍初卸收黃帕豐草聯槽畫不嘶
飛花卷仗春停駕西風回首征塵生蜀棧青螺愁獨跨
趙公何從得此本步武曹韓相上下驪黃埽空四海眼
丹青妙續千年話誰云此馬不復存看取匣中光照夜

題趙子昂所畫牧馬圖

元 貢奎

霧鬣雲髮出帝閑誰將圖畫落人間
奚官飽牧無餘事獨立春風憶華山

牧馬圖

明陳政

草細泉香野色新五花驕氣散春雲
昂頭似憶當年事立仗凌寒夜正分

題伯時畫頓塵馬

宋黃庭堅

竹頭搶地風不舉文書堆案睡自語
忽看高馬頓風塵亦思歸家洗袍袴

輓馬圖

金張澄

飛塹乘城力亦優不應伏檻便垂頭而今世上無良樂
兀兀黃塵輓得休

題哀塵騮圖

元虞集

驂騮食粟石每既立仗歸來汗如洗脫羈展轉聊自恣
落花塵土隨身起君不見春雷起蟄龍欠伸霧擁雲蒸
九河水

輓馬圖

元王惲

馬蹄立論見天機四輓塵沙更適宜恰似解袍隨意處
小齋磅礴退朝時

衮馬圖

元楊維禎

唐家內殿三萬匹畫史緜緜都熟識綠蛇連卷骨初脫
一團旋風花五色濕雲乍洗烏龍池金索掣斷愁欲飛
奚官獨立柳陰下手把玉鞭將贈誰

題李龍眠畫衮塵馬

元張天英

明皇最愛玉華驄衮衮芳塵繡嶺宮一曲落梅驚起舞

風摧龍翼戰場空

題趙仲庸所畫滾塵馬

元唐肅

匹馬滾塵誰所寫
天水王孫最文雅
王孫系宋不系唐
那識唐人與唐馬
左輔白沙白於雪
四十萬頭名各別
廐中此馬帝常騎
一色紫霞名叱撥
馬官似隸王毛仲
左手執刷右持鞭
沙平草暖不被鞍
芻豆飽來筋力縱
翻身倒豎踣鐵蹄
霧尾風鬣亂不齊
元是滇池赤龍種
猶思躍浪湧春泥
太平無事征戰少
青絲絡頭可終老

不似交河赴敵時
夜蹴層冰僵欲倒

題張參政所藏驄馬滾塵圖

元朱德潤

盛唐太僕王毛仲八坊分隊三花動當時
畫馬稱曹韓尺素幻出真龍種
玉花照夜爭新妍一馬滾塵鬣尾鮮
昂頭不受金絲絡汗血輾沙生晝烟
翰林妙寫不減古名駒染出青豪素
延祐君王賞駿材金盤賜帛出當宁
時清處處生驪駒何必漢朝稱渥洼
王良幸勿喚踉蹌一躍天衢千里沙

袞塵馬圖

明高啓

千里歸來苜蓿春
五花和汗袞香塵
青絲暫解從天性
多謝黃門老圉人

袞塵馬圖

明陳昌

霧鬣風鬃汗血駒
也曾千里渡流沙
絲韁不受黃門控
閒向東風滾落花

楊祕監下槽馬圖

金黃庭筠

龍眠悔畫馬政恐
墮馬趣我今破是
說試下第一句道

人三昧手游戲萬象具萬象初莫逃畢竟無所住譬如
大圓鏡照物隨其遇少馬物四散影果在何處楊侯具
此眼透脫向上路萬馬落人間並證龍眠誤

曹將軍下槽馬圖

元揭傒斯

曹霸畫馬真是馬宛頸相摩槽枥下卓犖權奇果如此
豈有世上無知者朱絲不是凡馬韁天閑十二皆龍驤
曾從天子平四方畫圖彷彿餘驪黃華山之陽春草長

曹霸下槽馬

元虞集

樞下長年飽豆芻誰通馬語識踟躕主恩深重知何報
或者東封駕鼓車

題廢馬圖

元王惲

前年扈從獵長楊偶雜髯駟宿野莊一牽玉華三百匹
老人垂淚說先皇

御驃出廢圖

元王惲

何人拂絹素寫此房駟精一馬老伏櫪志在千里行二
馬騁蹏齧角壯猶龍騰一馬方輶塵海岸翻鯢鯨畫師

慘淡意落筆矜多能我觀寓所感國制貴有經唐人重
馬政分屯列郊坰當時百萬匹肅肅羅天兵東封與西
蕩歲用不可勝嗣王獵其餘尚足開中興乃知三軍本
匪馬將奚憑聖經說備豫萬古為世程詹卒事亦辦未
免衆目驚我思立仗間振鬣伸長鳴吾言固芻蕘聖經
其可輕

題曲江洗馬圖

元倪瓚

校獵上林苑洗馬昆明池霜威肅笳鼓雲氣畫車旗馬

班陳賦頌衛霍綏蠻夷王風既未遠文明方在茲逶迤
霄漢上鳳皇尚來儀

戲題出洗馬

元趙孟頫

齧膝泛駕誰能御驚蹇紛紛何足顧青絲絡首錦障泥
鞭箠空勞怨長路明窗戲寫乘黃姿洗刷歸來氣如怒
不須對此苦歎嗟男兒自昔多徒步

奚官洗馬圖

元張雨

曾侍赤墀東天池看浴龍晚涼湖上夢猶立柳陰中

洗馬圖

元 張伯淳

蕭蕭霧鬣與風鬢撲面征塵一洗空相顧倍增神駿氣
恍疑初在渥洼中

趙子昂浴馬圖

元 劉 因

肯綮原空雪新積羣馬飢鳴渡江食大梁公子心未平
一匹宛駒萬夫敵圉人初浴意氣增跨轡已晚知無成
雲窗徘徊悄無語掩卷索索猶風生

李伯時畫浴馬圖

元 楊 載

古稱難畫莫如馬近朝惟數李伯時不至天閑觀帝服
如此骨相何由知頭類渴烏尖插耳竟渡流沙輕萬里
圉人牽浴恒凜然復恐化龍奔入水貧居里巷無馬騎
徒步出入多傷悲大脰薄蹄何足願退立道傍塵滿面

題浴馬圖

元郊 韶

花落春雲滿御堤晚涼試浴濯龍池五王未許爭飛鞚
先賜承恩太僕騎

揩養馬圖

元鄭元祐

金史四庫全書
卷一百六
一
啄瘡烏去未斜陽雨足春隄草正長摩擦樹根休揩瘡
明朝要爾戰沙場

題趙仲穆揩瘡馬圖

元朱德潤

渥洼天馬骨如龍散步春郊苜蓿中揩徧玉鬚塵未落
日斜宮樹影搖風

題趙仲穆擦瘡馬

元張天英

啄瘡烏去夕陽西磨瘡枯株振鬣嘶今日戰場春草綠
相看誰濯錦障泥

揩癢馬歌

明華幼武

魏公畫法擅天下時向玉堂閒畫馬龍媒貌得五花驄
放牧長秋沙苑中青絲暫解黃金鞅老樹槎枒恣揩癢
霜蹄蹴踏尾蕭騷奮鬣驕嘶肉屈強畫中神妙無人語
直上曹韓不過許曹韓已矣魏公亡後來作者誰堪數
君不見不惜千金市駿骨此圖世間為第一

題趙榮祿揩癢馬圖

明闕名

韓幹真龍下筆肥銀鞍羅帕絡青絲春風碧野和烟放

誰見林間指養時

題曾無疑飛龍飲秣圖

宋戴復古

雲巢示我良馬圖一騎飲水一騎芻竹批兩耳目搖電
毛色純一骨相殊何人貌此真權奇筆端疑有渥洼池
驚駘當用驊騮老贏得畫圖人看好盆中飲槽中秣無
用霜蹄空立鐵何如渴飲長城壕上波飢則飽喫天山
禾振首長鳴載猛士龍驤踏碎鷹巢窠

飲馬圖

元楊維禎

佛郎新來雙象龍鼻端生火耳生風臨流飲水如飲虹
波光倒吸王良宮吁嗟青海頭白磧尾渴鳥一失金井
水長城窟遠腥風起

題飲馬圖

元 傳若金

一斛寒泉照紫駟蕭蕭駿尾動高秋夜來櫪上西風滿
憶傍寒雲飲隴頭

題唐叔美飲馬圖

明 張鳳翼

百戰空疲千里姿悲嘶猶自逐圉師春風日飲長城窟

那得人間伯樂知

舞馬圖

元張伯淳

獨立天衢骨相奇
縑緗猶記寫真時
開元天寶今陳迹
舞破中原馬不知

題立仗馬圖

元柳貫

玉立彤墀氣尚麤
食殘芻豆更何須
太平未必閒無用
一幅君王納諫圖

題趙翰林畫立仗馬

元張天英

瓊柱花雲繡勒春霜蹄新刷紫霄塵月明曾弄瑤池影
天廡傳呼五色麟

子昂逸馬圖

元 袁 桷

神駿飄飄得自閒天池飛躍下塵寰青絲絡首誰收得
留與春風十二閑

逸馬圖

元 袁 桷

瑤池宴罷周王老牛首蛇身騁怪靈漢使近從西極返
龍媒元是世間形

試馬圖

元表楠

二駿翩翩勢並驅
轉頭槽檻總庸奴
秋風萬里雲容與
不用青絲強繫拘

散馬圖

元表楠

秋盡川原草樹空
冷雲嗚咽似呼風
太平天子橐弓矢
留得閒身落照中

鞭馬圖

元表楠

生駒萬里意所向
知無前圉人忌其德
未試先加鞭要

令俛首馴使我嘗相憐伯樂死已久此道不復傳駕車
困泥途伏櫪老歲年所用非所養誰能別媼妍畫師逐
時好謂爾誠當然披圖重歎嗟我意何由宣

絡馬圖

元表楠

秋原苜蓿肥雲屯帖帖此馬和且馴屬車効駕豈在力
愧汗絕足追奔塵王良不生造父往公子毫端意悽愴
虞淵逐日終飲河出門加鞭奈爾何

題振轡馬

元丁立

金匱要略卷一百六
渥洼龍馬進來時奮迅長鳴不受羈詔與從官調得熟
只教隨仗不教騎

題唐圉人調馬圖

元陳深

飛龍天廡隘雲稠一匹驕馳掣電流
檻下髯奴真厮養眼中元不識驂騑

黃門飛鞚圖

元姚璉

太平無有羽書塵局促龍鱗萬里身
不著圉人時騁騫天閑驕悍若為馴

奚官牽馬圖

明王禕

太液池邊新浴罷
未央門外乍牽來
若教立仗丹墀下
恐負平生泛駕才

賦蔣錫若水蕃馬圖

宋樓鑰

何處驅來良馬六
騮黃參錯如花簇
胡為不作騰驤去
各有游韁繫前足
胡人下馬俱少休
倦倚氍毹眠正熟
酋豪揀箭奚奴撚
意欲時發不遺鏃
琵琶橫倚續續彈
一夫坐聽羌中曲
卧擁提壺將引飲
英氣虬鬚皆貴族

沙磧坡陀高復低天寒不見寸草綠我行燕薊頗見之
狼帽烏靴乃其族勿云恃勇不知義要以赤心置其腹
嗚呼安得壯士健馬咸作使坐令戎馬皆臣僕

李早蕃馬圖

元王惲

羣奔角壯任郊垌已入竿頭莫力爭惜取蹄間三

關一
字

逸望雲秋計鐵山程

題蕃馬圖

明殷士儋

玉塞無聲夜有霜橐駝五萬入漁陽平沙落日悲風起

馬上橫捎四白狼

李潛宛馬圖

元王惲

李生鞍馬見金初，仿佛殊方職貢圖。
今去玉門途萬里，總隨鞭策入長驅。

金馬圖

元虞集

賈胡自騎千金馬，解囊小憩荒城下。
平原無樹起秋風，夢到陰山雪橫野。
太平疆宇大無外，外戶連城無閉夜。
不然安有獨行人，懷寶安眠如畫者。

西馬圖

元張天英

西來萬里氣如雲，便策天閑第一勲。
此日登訶薦清廟，於今能得幾人聞。

胡馬圖

宋郭祥正

唐時胡馬入長安，下馬胡兒倚馬鞍。
今日昇平無此物，樽前聊展畫圖看。

胡馬圖

明解縉

破衲自風沙，兼天壓雪花。
草間狐兔盡，歸去帝王家。

胡馬圖

明王弼

夜醉葡萄倚壁眠
眼中胡騎忽翩然
誰知慘淡寒綃裏
中有黃榆萬里天

胡馬圖

明祝允明

駿骨千金產名王
萬里歸風煙辭大漠
雲電赴皇畿
立仗容陪舞從龍
敢假威此來空地類
肯藉近郊肥

瘠馬圖

元揭祐民

念汝出塞下四蹄疾如飛
半夜馳臨關氣奪戎王圍
被

鐵踏河冰幾度向武威將軍事百戰騰力不顧肥祇令
飲渭流齒老不任韉坡寒莫風酸磧瘠春草微百感盡
者意要見駿骨稀但看古英賢攻苦常寒飢

題瘦馬圖

元蒲道源

誰寫驂駟草野間身行萬里骨如山絕勝秣飼無他技
枉占君王十二閑

題壽監司所藏瘦馬圖

元薩都拉

沙場日暮春草肥瘦馬不受黃金羈天生神駿天所愛

豈容過市無人知
郎官病坐芙蓉幙
喜見馬圖天上落
人生相遇貴相知
孰謂世間無伯樂

題胡環瘦馬圖

元丁立

渥洼北去幾萬里
荒草黃雲連白沙
到得單于臺下日
暖風開遍地椒花

龔聖予畫瘦馬行

元馬臻

在昔開元曹將軍
健筆突兀老入神
能貌明皇玉驄馬
博得聲價輕千鈞
後來韓幹只畫肉
少陵不許肥失真

寥寥此道幾懸絕至理不付尋常人淮陰龔公老儒者
落筆文辭馳二雅有時快意埽馬骨妙處不在曹公下
畫時想極虛無垠思入萬里沙場昏凝精洞視色不變
杳冥之中百體存相經合備渥洼種仰首鳴天鼻欲動
氣豪似與神龍爭疾雷迅雷驚塵夢憶昨嫖姚騎戰時
旋雲轉雨分四蹄翻然踏碎關山雪歸來汗血光淋漓
霜枯萬骨功誰利太平總為將軍致如今衰瘦箭瘢乾
生駒却受黃金轡此馬此畫絕世無先生慷慨傳此圖

可憐韋諷日已遠獨撫此畫深嗟吁北風動地天色慘
展開猛士寒搖膽詠罷新詩無限情卷向空齋白日晚

題張戡瘦馬圖

元姚文真

稜稜出神骨翼翼照龍光顧影時思戰長鳴勢欲驤征
鞍坐兒女遠道負餽糧歸到龍沙日秋風苜蓿長

題張戡畫瘦馬圖

元郭翼

瘦骨鋒稜珠汗落臥痕半雜古苔煙未脫將軍金匱匣
又駝兒女玉嬋娟蒼皇日色龍沙外慘淡秋聲鴈塞前

神駿只今誰貌得開圖老眼一醒然

題張戡瘦馬圖

元鄭東

北風蕭蕭沙草黃天寒馬瘦骨如牆
渾家兒女雕鞍上日日陰山射白狼

題進士卜友曾瘦馬圖

明張以寧

卜翁喜我詩袖出瘦馬圖前有杜陵瘦馬行
令我閣筆久嗟吁憶昔馬齒未長日金羈蹀躞鳴天衢
逐景虞泉日未晡義和頓轡喘不蘇石根一蹶亦常事誰遣逸足

輕夷途霜風大澤百草枯飲斂不飽長毛疎相者舉肥
汝苦瘠委棄乃在城東隅病顙有時磨古樹翻蹄無力
袞平蕪當年笑殺紫燕愚中路清涕流鹽車嗟哉此馬
世罕有駕駘多肉空數腴格骨稜層神觀在頗類山澤
之仙隲解劍贖汝歸伯樂今豈無浴之萬里流秣以百
束芻肯藉花白春雲鋪氣全或比新生駒持之西獻穆
天子尚與八駿爭先驅瑤池雲氣浮太虛日出積雪青
禽呼長望臨風心鬱紆

題老馬圖

明僧妙聲

老棄東郊道空思冀北羣
蕭條千里足錯落五花文
苜蓿秋風遠蘼蕪落日曛
太平無一事愁殺故將軍

病馬圖

元劉因

青絲屈曲長安道卓午歸來廢中老
側身仰天思遠遊口不能言顏色悄
奚官却立深有疑似言非病那容醫
願乘長風迅絕足一息八極歸瑤池

病驥圖

明周忱

吳興父子俱能畫捉筆往往追曹霸當時託意知為誰
惻愴令人傷此馬此馬虺頽未可輕昔隨八駿天衢行
綵雲禁籞春如海曾聽玉輅和鸞鳴一朝謝病離天仗
骨聳毛焦氣凋喪恥與駑駘競粟芻自甘偃臥沙丘上
孫陽去後苦難逢寂寞誰加剪拂功羈金絡玉復何日
顧影懷恩悲晚風古來千金市駿骨況此精神那可忽
飼秣重歸十二閑猶堪萬里奔騰出

題人馬圖

元陳旅

少年僕園恃恩私天廐名駒得試騎莫向昇平飄赤汗
五花雲暖浴春池

金人馬圖

明高啓

名王愛游獵初試射雕弓白草秋原曠黃沙晚塞空
琵琶應漢女腰裏是胡驄歸醉葡萄綠穹廬在月中

題西戎獻馬圖

贈楊應寧都憲
督理陝西馬政

明吳寬

烏駝曉渡黃河來蹴踏萬里風沙開四蹄垂鐵不可鑿
拳毛繞腹非凡材戎人牽過蕭關下毳衣羶帽胡為者

不辭馳獻到關西
聞道楊公來主馬
平涼極望水草新
監苑重開列圉人
此匹真為渥洼種
隱起龍文猶滿身
馬復令行如詔旨
蕃息應看錦雲比
唐家莫說惟毛仲
秦世徒傳有非子
內地養馬連長槽
料水莖草民何勞
楊公一來壯兵氣
萬騎逐北天山高
羯胡夜撤穹廬遁
馬政既成公入覲
還將此匹獻天閑
不是按圖空索駿

題進馬圖

明劉崧

拳毛赤騮初來進
西人自控中官引
虎氣深騰紫禁門


龍光暗掣青絲紉玉鞭金鐙調馬時天子親御和鸞宜
香街十二柳如霧太液宮前花滿枝神物飛騰那可測
電掃風馳周四極時來顧影只長嘶太僕圉人騎不得

陳居中進馬圖

明凌雲翰

明王慎德蠻夷賓尺天寸地皆王臣遠人重譯貢龍馬
流沙萬里來麒麟金丸聲動佛郎國寶劍氣接明河漣
不知何年離榆塞但見此日朝楓宸毛駟生來玉琢鼻
淺驄威起花攢鱗最後赭白信無敵如此丹青疑有神

騰驤欲飛使者喜控制不得矣奴嗔我聞陳閱善匠意
無乃韓幹為前身按之圖中得所似惜哉世上遺其真
驪黃牝牡不易索九方皋後知何人



御定歷代題畫詩類卷一百六

欽定四庫全書

集部

御定歷代題畫詩類卷一百七十五

詳校官刑部侍郎臣李紱

主事銜臣徐以坤覆勘

總校官降調編修臣倉聖脉

校對官中書臣高 中

謄錄監生臣黃廷鳳

欽定四庫全書

御定歷代題畫詩類卷一百七目錄

獸類

杜秀才畫立走水牛歌

唐顧況

述韋昭應畫犀牛

唐儲光義

觀胡九齡員外畫牛

宋韓琦

觀黃介夫寺丞所收丘潛畫牛

宋梅堯臣

毛老闢牛圖

宋文同

題李亮功戴嵩牛圖 宋黃庭堅

游昭牛圖 宋陸游

范牛 宋樓鑰

題潘溫叟家藏戴牛畫卷 宋郭祥正二首

題牛圖 宋戴復古

戴嵩畫牛 金楊雲翼

韓晉公畫蒼牯出水圖 元王惲

題水牯圖 元王惲

戴嵩畫牛圖

元王惲

畫牛

元程鉅夫二首

李唐牛

元袁桷

畫牛

元馬祖常二首

畫牛

元僧大訢

題牛

明郭厘

題畫牛

明林環

題畫牛

明金幼孜二首

題朱給事所藏牛圖

明楊士奇

題畫牛圖

明楊旦二首

題牛次韻

明程敏政

畫牛

明何孟春八首

題畫牛

明僧覺澄

牛圖

明僧清澐

題紀武子所藏老融二牛圖

宋樓鑰二首

題范道士二牛圖

宋范成大

題高都事戴嵩二牛圖 元黃清老

三牛圖 元歐陽玄

題劉景明百牛圖扇面 宋楊萬里

江參百牛圖 元鄧文原

題江貫道百牛圖 元白珽

百牛圖歌 元舒頔

題黃啓晦百牛圖 明林環

題百牛圖 明陳振

書百牛圖後

明丘濬

蜀女繡牛圖

元袁桷

題錦屏史仙繡牛圖

元吳澄三首

題四羊圖

宋王阮

恭題靈羊圖

明謝承舉

趙王孫墨羊圖

明偶桓

黃荃芙蓉乳狗

元虞集

海狗窠石圖

元袁桷

題窠石海狗圖

元柳貫

題犬

元貢性之

題犬

明張鳳翼

題李迪畫犬

明高啓

趙南伸寄王樸畫猫犬戲為之賦

宋樓鑰

狸奴畫軸

金王良臣

醉猫圖

元元好問二首

題武仲經知事獅猫畫卷

元程鉅夫

何尊師醉猫

元表楠

王振鵬狸奴

元表楠

題睡猫圖

元柳貫

題猫

元丁鶴年

芙蓉白猫手卷

元錢惟善

題宋徽宗畫狸奴銜魚圖

元錢惟善

題畫猫

明劉基

題茅山道士藏徽宗畫猫食魚圖

明解縉

承圖行

元戴良

御定歷代題畫詩類卷一百七目錄

欽定四庫全書

御定歷代題畫詩類卷一百七

獸類

杜秀才畫立走水牛歌

唐顧況

崑崙兜騎白象時時鎖著獅子項
奚奴跨馬不搭鞍立走水牛驚
漢官江村小兒好誇騎脚踏牛頭
上牛領淺草平田捺過時大蟲著
鈍幾落井杜生知我戀滄洲畫
作一障張牀頭八十老婆拍手笑
妒他織女嫁牽牛

述韋昭應畫犀牛

唐 儲光義

遐方獻文犀萬里隨南金大邦柔遠人
以之居山林食棘無秋冬絕流無淺深
雙角前嶄嶄三蹄下駸駸朝賢壯其容
未能辨其音有我哀烏郎新邑長鳴琴
陞閣飛嘉聲丘甸盈仁心

觀胡九齡員外畫牛

宋 韓琦

丹青之筆奪造化能者幾何登品錄蛟龍
獐惡鬼神怒畫工不接時人目有形之物
至者稀是否難欺衆所矚

絳臺胡掾文章外偏向畫牛其好酷海內馳名三十年
得者珍藏過金玉老來纔始著青衫養親不及朝家祿
前日野服忽相過云訪恩知走京轂微風入指未能畫
示我蠟本數十幅采摭諸家百餘狀毫端古意多含蓄
鬪者取力全在角臥者稱身全在腹立者髣髴精神慢
背者分數頭項促行者動作皆得羣乳者顧視真憐犢
當流汨戲並自在欲走或疑猶蓄縮從容飲齧得天真
荷鞭時有童兒牧或橫一笛坐牛背便是無聲太平曲

江天雨雪易溟濛風勢掀號摧古木敲斜蓑笠趁牛歸
蕭疎暮景烟村宿奇哉胡掾老筆不可到戴叟重生須
死伏吾觀諸牛之態雖盡妙尚有所遺思未熟牛於生
民功最大不畫牛功牛亦辱胡君胡君聽我言別選輕
綃成巨軸寫出區區耒耜勤貴知天下由吾方食足

觀黃介夫寺丞所收丘潛畫牛

宋梅堯臣

丘畫吳牛希戴嵩吳牛角偃彎如弓老牯望犢犢望母
母下平坡離牧童牧童吹笛坡頭坐古樹蕭騷葉戰風

黃君買畫都城不惜滿貫穿青銅賣從誰家不肖子
傳自幾世賢卿翁今時貴人所向同競借觀翫題紙窮
紙窮磊落見墨妙東府西樞三四公應識古人丹青蹟
又辨古原本於物通一毛一尾不取次豈以後代為盲
聾請推此意佐國論況乃聖德同堯聰

毛老鬬牛圖

宋文同

牛牛爾何爭於此輒鬬怒長鞭開兒童大炬走翁嫗蒼
樓八九子駭立各四顧何時解角歸茅舍江村暮

題李亮功戴嵩牛圖

宋 黃庭堅

韓生畫肥馬，仗下有輝光。戴老作瘦牛，平生一作田千頃。

荒陂鰥告主人實，已盡筋力乞我。一牧童林間聽橫笛。

游昭牛圖

宋 陸 游

游昭木石師，李唐畫牛乃其所長出。欄初聽一聲笛，意氣已無千頃荒。客居京口老，益困衣不掩脰鬚。蒼時時弄筆，眼力健蹄角毛骨分毫芒。我無沙堤金絡馬，拂拭此幅喜欲狂。乞骸幸蒙優詔許，置身忽在煙林傍。

日落飲牛水滿塘夜半飯牛天雨霜
僊醫灌藥美水草
老巫訶禁被不祥願我孫子勤農桑
願汝生犢筋脈強
雄聲驚破五更夢歲負玉粒輸官倉

范牛

宋樓鑰

人問吾何愛一牛范仙真筆倍風流
繩牽雖未如自放
猶勝更著金籠頭

題潘溫叟家藏戴牛畫卷

二首

宋郭祥正

不辭耕遍主家田日暮歸時欲飽眠
渡盡驚波莫回首

後來猶苦牧兒鞭

茫茫陂水暮秋天
乍脫耕犂未得眠
矯首衝波方盡力
牧兒何用更揮鞭

題牛圖

宋戴復古

牡丹花下連宵醉
今日閒看黑牡丹
得此躬耕東海曲
一貧無慮百憂寬

戴嵩畫牛

金楊雲翼

春草原頭雨濕煙
夕陽渡口水吞天
披圖坐我風蓑底

一夢長林二十年

韓晉公畫蒼牯出水圖

元王惲

蒼牯水所喜泳游溪水中物情更所適頓立不我從但
見鼻吻長可知力挽雄小大制有法驅牽任此童東臬
夜來雨催辦耕稼功一飽賴爾力高廩歌年豐畫師亦
敦本大意與訓同吮墨變化質指為洛花叢妙哉韓相
筆遠意老明農

題水牯圖

元王惲

姚黃魏紫動遊觀何似田家黑牡丹萬有困倉由爾出
論功消得畫圖看

戴嵩畫牛圖

元王惲

吳儂四時耕瘴烟吳牛見月心茫然戴郎此本極閒逸
筆意遠出韓公前解縻脫鞅春事畢江皋野草香芊綿
歸鞭影亂散平楚考牧大似斯千篇因渠喚起歸耕興
夢到西山谷口田

畫牛 二首

元程鉅夫

東華塵裏度年年每見春風憶故園曾是江南新雨過
閒看稚子引烏犍

穀醵春來苦羣兒未必知良工知有意好寫駕犁時

李唐牛

元表
楠

穉穉原空蟋蟀吟秋來乞得自由身平蕪又見鄰鄰綠
復與田翁共苦辛

畫牛
二首

元馬祖常

龍具春來挂屋簷清泥過腹雨耕勞田間獨仰聽風鼻

不信空山野兒號

江岸騎牛襪襖翁夕歸對婦詫田功世間無客曾相識
惟見驚飛幾鴈鴻

畫牛

元僧大訢

草煖犢子肥牧閒牛耳濕誰知荷蓑翁風雨租稅急

題牛

明郭厘

鳥下南山已夕人間春草初齊為問上流何處白雲遙
起前溪

題畫牛

明林環

春滿空原草色深
烏犍追逐過遙岑
半村殘照人家晚
似恐天寒去路陰

題畫牛

二首

明金幼孜

服箱力穡不知年
報主多情祇自憐
好是野田春種後
飽肥芳草臥深煙

牧童原上催歸急
遠樹微茫帶夕曛
前日東郊曾扈從
野人牽進沐恩頻

題朱給事所藏牛圖

明楊士奇

宛宛柳絲柔，
絲絲春草綠。
三月耕犁間，
春雨新足紛。
紛陌上，
驟青驄獨占溪南坐黃犢。

題畫牛圖

二首

明楊旦

東風吹老綠楊枝，
可是春郊罷耒時。
帶雨細鋤原上草，
夕陽歸路向遲遲。

南畝功成便退身，
中流游泳任天真。
牧童何處空江晚，
清世應無叩角人。

題牛次韻

明程敏政

已銷金甲事春農
無復全齊火戰功
惟有牧兒相伴在
一山桃樹半溪風

畫牛八首

明何孟春

牧兒騎背穩如舟
跨谷騰岡復度流
老我犁耙手曾執
能知此畫是真牛

春到西疇日尚寒
公家地力幾時殫
一生辛苦依農業
肯作豪家黑牡丹

抖擻荷蓑夢始醒老犍何事鬪林垌此中竹石雖無主
留取相依歲晚青

煙蓑雨笠出山隈白水收犁薄暮纔同輩解忘耕作苦
盡從牛背唱歌回

恥將刀劒誤園田歸買耕牛不論錢昔日我聞龔北海
而今郡吏更誰賢

雪壓春郊積雨餘蓑衣濕透未能除牛飢臥齧田間草
誰復來翻角上書

叩角曾傳甯戚歌
南山白石正嵯峨
躬耕亦有南陽客
梁甫吟成奈爾何

日耕百畝肯言功
禾黍今看歲又豐
但得主人倉廩實
不愁無稗飼西風

題畫牛

明僧覺澄

林下逍遙飽則眠
何人能似爾安然
因思昔日陶弘景
金作籠頭不易牽

牛圖

明僧清澹

春光寂寂煙暈晴春風淡淡波痕明溪南溪北小坡平
我却騎牛向溪曲溪曲嫩草嫩如玉記得當時農事只
倒指數來三十年今觀此圖猶宛然只多舐犢雙崖邊

題紀武子所藏老融二牛圖

二首

宋樓鑰

佳哉淡墨埽人牛一笛橫風各自由平日深知馬用劇
如今但欲老西疇

烏犍離立意遶鞭策俱忘取次歸駭犢跳風却仍顧
老融於此露天機

題范道士二牛圖

宋范成大

西疇滌場靜無塵
原頭遠牧秋草春
一牛疾行離其羣
一牛返顧如怒嗔
目光炯炯矜而馴
點綴毫末俱逼真
不顛不狂筆有神
妙哉吾宗散仙人

題高都事戴嵩二牛圖

元黃清老

東風吹浪翻平林
吳江咫尺移春陰
牧童曉出不知雨
日暮歸去清溪深
一童驅牛涉古岸
草煙慘澹迷目觀
雙蹄湧出層水間
蒼峽蹴翻石雲斷
一童踞策溪中流

溪風不動波悠悠恍然顧影驚自失尚疑身跨蒼龍遊
平瀾遠峰結寒色至今宇宙留墨迹可憐三子人不識
我欲問之漢津客

三牛圖

元歐陽玄

兩豎騎牛過遠村一童橫笛弄黃昏老僧正解荆舒字
坐愛三牛了不犇

題劉景明百牛圖扇面

宋楊萬里

古語聞田父新年勝故年借儂百犢鰓雨裏破荒田

江參百牛圖

元 鄧文原

濕濕羣行四百蹄耕犁初罷樂相隨
春風綠遍川原草回首牧人知是誰

題江貫道百牛圖

元 白珽

幾年散放桃林後餘四百蹄猶可騎
攬鏡挂書多事在能騎唯有一凝之

百牛圖歌

元 舒頔

繫誰畫此百牛圖綃素淋漓懸兩壁
摩挲細認角頭奇

無乃戴嵩留幻墨牧童騎策過前村
春樹陰陰春草碧雲收霧斂山花明
遠近巔崖翠光溼平湖斷岸水淺深
縠縠粼粼如展席犢眠草間牛不乳
飢齧青芻礪蒼石或飲或浴雲滿身
物我相忘祇自得橫斜體態百頭殊
牧豎籠雛戲阡陌有時背上顛倒騎
細雨斜陽橫短笛時平放爾桃林中
布穀催耕苦相迫嗚呼比年兵革彌
天下千畦萬隴生荆棘只今農父把
鋤犁處處開耕甘爾力斗米三錢戶
不扃四海蒼生無菜色

題黃啓晦百牛圖

明林環

昔我東山居荷鋤事農耕三時有暇日放牛滿郊垌依
依芳樹陰萋萋煙草青野薺恣所往愛此風日晴遠坡
每羣趨空原時獨行前溪足新雨牽飲上沚清牛性日
已馴牧閒無所營捲蘆作短笛吟雜童謳聲相將晚來
歸月色孤村明以茲樂生事外物焉足櫻別來幾春秋
石田想榛荆維魚每入夢彷彿東皋平披圖見犍犢蔽
野何縱橫吟望夕陽山因之發遐情

題百牛圖

明陳棖

華山歸牧後南畝釋耕時
大地郊原衍方春水草宜功
成無捆載力剩向驅馳飲
澗遙呼犢維羣亂度陂煙
橫背臥風笛隔林吹葦息
欣咸若甄陶曠莫涯融融和
氣洽藹藹物情怡漢喘休
勞問商歌漫自悲戴嵩能貌
古班特浪傳疑展卷懷周
澤涵濡究在茲

書百牛圖後

明丘濬

我本農家子兒時曾作牧
倒騎牛背上蓑笠吹橫竹
老

大客京國久不見此畜忽然覩斯圖心若有所觸泛觀
天下物無物似牛犢既以拽犁耙又用轉車轂為我運
百貨為我生百穀論功亦莫比論苦亦良酷云胡世上
人甘心肆口腹既然食其力何忍食其肉水陸珍百品
物物可充欲孟子有遺言不忍其觫觫

蜀女繡牛圖

元表 楠

絕壁連雲翠木稠五丁空作蜀王羞浣花女子聞鵲苦
繡作春風萬古愁

題錦屏史仙繡牛圖 三首

元吳澄

平原君像何人繡費幾千絲似髮稠可是史仙能狡獪
聚毛繡出下邳侯

有毛無革毛安傳傳上田單奮彩繒陸放水浮俱幻影
底須拽鼻著長繩

為汝前身膽氣麤却將假合化真如雖然毛色皆如舊
悅草觸人心已無

題四羊圖

宋王阮

三百維羣世不見迺以四羊為一圖人言此圖出韋偃
不知韋偃有意無巖巖參天一古木下有輕萸滿郊綠
雪髯隱約黑暈中沙肋微茫筆端足昔聞韋侯畫馬工
杜陵長歌歌古松孰知畫羊更如此世間絕藝誰能窮
蘄春太守好事者珍藏有此希世畫嗟予得見雙眼明
此一轉語久難下三羊游戲芳草茵一羊輒登枯樹根
安得添我作牧人為公鞭此一敗羣

恭題靈羊圖

有序

明
謝承舉

宣宗御筆也羊圖三頭坡下一犬有欲搏之狀而羊
意馴擾感賦長句

塞上春深草初綠
黃河套邊堪放牧
何來羌羣攜乳畜
旁有韓盧將搏逐
羣羖不奔且不驚
轡車無影鷹無聲
持旌已歸蘇子卿
挾冊未見黃初平
羊何安閒盧何猛
以靜制動清邊境
我皇執筆發深儆
意在雍和化強梗
是時賢相惟三楊
昇平輔理稱虞唐
九重優游翰墨場
天與人文垂四方

趙王孫墨羊圖

明偶桓

王孫長憶使烏桓因念蘇卿牧雪寒落盡節旄無復見
寫生傳得兩峩看

黃荃芙蓉乳狗

元虞集

西旅初聞効貢來金毛覆地不凡材駟虞麟趾同靈囿
抱子花陰臥石苔

海狗窠石圖

元表楠

靈壁層峰負六鼇藥闌花檻翠周遭如何畫史同羣吠

不與君王繪旅葵

題窠石海狗圖

元柳貫

越犬初隨賈舶來，閒階弄影小徘徊。
花陰滿地濃如雪，解下金鈴不用猜。

題犬

元貢性之

深宮飽食恣猙獰，臥毯眠氈慣不驚。
却被卷簾人放出，宜男花下吠新晴。

題犬

明張鳳翼

玉勒追隨子夜風
金鈴搖月吠梧桐
明朝較獵長楊館
萬騎叢中第一功

題李迪畫犬

明高啓

護免偏吠客花下
臥晴莎莫出東原獵
春來兔乳多

趙南伸寄王樸畫猫犬戲為之賦

宋樓

鑰

鬚鬚兩狻猊胡為到庭戶
細觀畫手妙摹寫真態度
意足謝繁華不待丹青汗
亂埽腹背毛頭足巧分布
尤也如愁胡睂攢眼光注
豈惟足生羗垂耳紛敗絮
掉尾固

自若狸奴為驚懼側耳實畏之衝目猶敢怒誠知取形
似不吠亦不哺對之輒一笑聊用慰沈痼

狸奴畫軸

金王良臣

三生白老與烏圓又現吳生小筆前乞與黃家禳鼠禍
莫教虛費買魚錢

醉猫圖

何尊師畫宣和二府物二首

元元好問

窟邊癡坐費工夫側輟橫眠却自如料得仙師曾細看
牡丹花下日斜初

飲罷雞蘇樂有餘
花陰真是小華胥
但教殺鼠如丘了
四脚撩天一任渠

題武仲經知事獅猫畫卷

元程鉅夫

金絲色軟坐常溫
飽食深宮錦作墩
若使爰書無法吏
詩人應歎鼠翻盆

何尊師醉猫

元袁桷

攪甕翻盆勢不禁
晚風辭醉首岑岑
醒來獨立闌干畔
四壁無聲蟋蟀吟

王振鵬狸奴

元表 楠

畫堂綠幕鎮屏懸
花影雲陰得散眠
自是主家局鎖密
晚風緣木捕新蟬

題睡猫圖

元柳貫

花陰閒臥小於菟
堂上毳毼錦繡鋪
放下珠簾春不管
隔籠鸚鵡喚狸奴

題猫

元丁鶴年

食有溪魚臥有裯
主恩深重更無倫
若將乳鼠誇為瑞

恐負隆冬蜡祭人

芙蓉白猫手卷

元錢惟善

秋花石上玉狻猊
金尾脩脩斂四蹄
零落舊時宮女扇
撲螢曾見畫闌西

題宋徽宗畫狸奴銜魚圖

元錢惟善

徽廟宸翰世已無
銜魚隨意寫狸奴
鑾輿北狩知何處
惆悵春風看畫圖

題畫猫

明劉基

碧眼烏圓食有魚
仰看胡蝶坐階除
春風漾漾吹花影
一任東郊鼠化鴛

題茅山道士藏微宗畫猫食魚圖

明解縉

仙籙從教滿石牀
花陰睡覺赴雲鄉
卽今鼠輩都消盡
飽食溪魚化日長

豕圖行

元戴良

胡風吹沙黃入天
胡馬奔騰西出關
邊頭人民格鬪死
路旁突出惟孤豕
羣胡走馬逐豕逃
彎弓奮戟意氣豪

一人自足當豕力萬騎盤旋追不得當時豈為一豕謀
只恐功成恩寵休豈知此豕命既脫薦食郊原竟難過
秋來草黃馬正肥將軍處處事驅馳何時射豕得豕歸
嗚呼何時射豕得豕歸

御定歷代題畫詩類卷一百七

欽定四庫全書

御定歷代題畫詩類卷一百八目錄

鱗介類

題張道隱太山祠畫龍

唐蔣貽恭

題畫龍

宋樓鑰

毘陵天慶寺觀畫龍

宋戴復古

畫龍

宋劉叔巖

段志堅畫龍

元元好問

題家龍溪畫龍

元李祁

題陳所翁畫龍

元李祁

題金汝霖畫龍

元李祁

畫龍歌

元小雲石海涯

題所翁畫龍

元張渥

陳所翁子雷巖畫龍

元劉詵

題劉彥達龍幃

明解縉

畫龍歌

明周是修

題張秋蟾畫龍

明表忠徹

畫龍

明丘濬

題畫龍

明劉溥

題龍

明林景清

題龍

明周述

題王宰所藏墨龍

元柳貫

題陳所翁墨龍

元薩都拉

墨龍

元張雨

謝徽上人見惠二龍障子以短歌酬之唐齊己

上清盧道士所藏雙龍圖元成廷珪

雙龍圖元張憲

題雲龍元袁桷

題雲龍明杜嗣昌

題蒼龍戲海圖元陳泰

郭恕先升龍圖元鄧文原二首

題太玄天師畫升龍圖元柳貫

題廣微天師昇龍圖 元錢惟善

題曜海朝天龍圖 元歐陽玄

僧傳古踴霧出波龍圖歌 元柳貫

雲龍教子圖 元卞思義

老龍引子歸潮圖 明曾烜

題羣龍圖 明劉基

六龍圖 明丘濬

題九龍圖 元鄭韶

題陳所翁九龍戲珠圖

元張翥

榮碧潭全身龍

元歐陽玄

所性姪藏所翁全身戲珠龍

元歐陽玄

玉龍圖

元虞集

題陳所翁畫墨色卧龍

元馬臻二首

卧龍圖

元許有壬

泰龍圖

宋魏了翁

贈玉龍曾道士畫龍頭

元僧圓至

擬題素菴龍頭

明葉盛

題鳥王啖龍圖

明王世貞

題春雷出蟄圖

明王世貞

題毛維勤所藏禹門三躍圖

明顧清

御定歷代題畫詩類卷一百八目錄

欽定四庫全書

御定歷代題畫詩類卷一百八

鱗介類

題張道隱太山祠畫龍

唐 蔣貽恭

世人空解競丹青
惟子通玄得墨靈
應有鬼神看下筆
豈無風雨助成形
威疑噴浪歸滄海
勢欲擎雲上杳冥
靜閉綠堂深夜後
曉來簾幕似聞腥

題畫龍

宋 樓 鑰

老龍臥海沙覺來未欠伸珠光發海底闕然自有神書
龍不畫全必雜煙雨雲此龍未嘗動具見爪與鱗一龍
望見之爭心生怒嗔奮迅勇欲前便爾雲滿身不知出
誰筆定非塵中人若非親見之何由寫其真雲濤方洶
湧恍若渺無津為霖會有時正爾良苦心乃知青雲高
不如寂寞濱深虞或飛去什襲聊自珍

毘陵天慶寺觀畫龍

自題姑蘇羽士李懷仁醉
筆詩呈王君保寺丞使君

宋戴復古

姑蘇道士天酒星醉筆寫出雙龍形墨蹟縱橫奪造化
蜿蜒滿壁令人驚一龍翻身出雲表口吞八極滄溟小
手弄寶珠珠欲飛握入掌中拳五爪一龍闕一字山山為
開頭角與石爭崔嵬波濤怒起接雲氣不向九霄行雨
來萬物焦枯天作旱兩雄壁隱寧非懶真龍不用只畫
圖猛拍欄干寄三歎

畫龍

宋 劉叔巖

南人謁雨爭圖龍畫師放筆為老雄烟雲滿壁奪畫色

雷電應手生狂風觀者皆驚爪牙動攫拏意似翻長空
吾疑奮迅出戶牖何事經時留此中共言葉公初好畫
當時亦有神龍下天意為霖非爾能世俗慕真聊事假

段志堅畫龍

為劉鄧州賦

元元好問

豬龍可豢亦可屠世人畫蛇復畫魚天飛忽入阿堅筆
始覺衆史欺庸愚腥風萬里來白浪橫江湖一麾走海
若再顧失天吳浩蕩明河翻尾鬣慘不濡只愁紙上出
雷火搏控大千如此珠天生神物與化俱滅沒變見何

所無逆鱗自古不受觸乃今縮頭隨卷舒怪得堂堂髯
御史平生長有雨隨車

題家龍溪畫龍

元李祁

龍溪溪上見蒼龍勢在飛騰變化中沛作甘霖能濟旱
九州四海樂年豐

題陳所翁畫龍

元李祁

千年老龍伏巖阻懶向天台作霖雨忽逢健筆一寫之
鬣角鱗髯盡蒼古溪風肅肅山雨寒驕螭騰弩稗蛟舞

願君長留此畫江海間更使千年作龍祖

題金汝霖龍

元李祁

大海波濤起高堂雲霧興九州望霖雨須汝一飛騰

畫龍歌

元小雲石海涯

老墨糊天霹靂死手擘明珠換眸子一潛淵澤久不躍
泥活風鬚色深紫虬髯老子家燕城怒吹九龍無餘燈
手提百尺陰山冰連雲塗作蒼龍形槎牙爪角隨風生
逆鱗射月干戈聲人間仰視翫且聽參辰散落天人驚

瀟湘浮黛蛾睂輕太行不讓蓬萊青烈風倒雪銀河傾
珊瑚盞闊堪不平吸來噴出東風迎春色萬國生龍庭
七年早絕堯生靈九年滂漲舜不耕爾來化為霖福
為吾大元山海足

題所翁畫龍

元張渥

我聞真龍神變化呼吸風雲齊上下胡為却向九淵潛
領下驪珠光不夜一朝帝敕鞭雷霆祕怪恍惚無逃形
蜿蜒千丈露頭角顛倒山嶽翻滄溟乾坤瀕洞日為黑

元氣淋漓收不得願將點滴試天瓢草木晴光甦下國
龍兮龍兮汝為龍攀之不見追無蹤何當飛空附其尾
手按鴻濛究元始

陳所翁子雷巖畫龍

元劉詵

所翁畫龍妙天下墨水千江醉傾瀉天地變色草木寒
霆電交作畫為夜陰風蕭蕭出空庭天落黃金壁間挂
前身是龍身不知龍來與語相娛嬉歲饑乖龍不肯起
畫龍夜出行雨歸不知雨到幾千里但見綃素濡淋漓

所翁丹成駕龍去雷巖傳家有奇趣蜿蜒半幅浩欲動
鱗鬣槎牙攫雲霧軒窗怒濤聲洶歔篋笥夜光亞春吐
嗟哉雷巖今亦仙此龍神妙不再覩誰能久藏繫金柅
雷公繞柱窺囊楮只今春風急雨日夜多便恐一日飛
去驤天河

題劉彥達龍幃

明解縉

道人飛入水晶宮手挽天河畫玉龍一夜風雷繞南國
海門桃浪漲春虹

畫龍歌

明周是修

雲如車輪風如馬雷鼓砰訇電旗捲其中踊躍何爾為
無乃蜿蜒作霖者古來善畫此者誰葉翁所翁稱最奇
筆端揮灑絕相似亦有風雲雷電隨大梁徐公生卓犖
自少以來深好學揮毫灑墨運天機鬼泣神愁日光薄
斯須縞素騰真龍莽蒼直奪造化工恍如列缺引霹靂
歛若異二驅豐隆枯木搓牙頭角露鱗拂雪花駭成怒
劃然威掣海門開勁望層空欲飛去我時見畫心膽豪

拔劍起舞翻絨袍波濤萬頃東溟闊瘴煙千丈南衡高
嗟哉徐公天相爾後恐無繼前無比酒酣神氣益灑然
白日風雲牕戶起為君一作畫龍歌雷風激烈雲嵯峨
魚鰕混處不可久龍兮龍兮奈爾何

題張秋蟾畫龍

明
袁忠徹

張公畫龍人不識筆法遠自僧繇得挂向高堂神鬼驚
恍忽電光飛霹靂想當渤海開筆力元氣霖霖浸無極
吐吞霧雨川澤昏摩蕩雲雷太陰黑江翻石轉竊莫測

雪濤卷空銅柱仄洞庭扶桑非爾誰顛倒滄溟為窟宅
乃知茲圖只數尺坐令萬里起古色何當置我君山湖
上之高峰聽此老翁吹鐵笛

畫龍

明丘濬

黑風吹白雨海立水翻波老龍空作勢不救旱田禾

題畫龍

明劉溥

古來畫龍稱葉公後來又說陳所翁嗚呼二人不可見
神妙誰復追其蹤此圖知是何人作一見令人即驚愕

勢翻滄海起風雷身湧長空奮頭角雙睛潑電鱗鬣分
左盤右蹴挈飛雲軒然天地動光彩此時不顧魚鰕羣
滿堂慘淡凝烟霧相對咨嗟毛髮豎田疇歲旱望甘霖
破壁須看上天去

題龍

明林景清

春雷一夜天池震七澤濛濛煙雨暝數聲驚起臥潭龍
怒捲銀濤飛萬仞黑雲影裏露奇形鱗甲錯落光縱橫
鬚鬚奮張聳頭角炯炯射海雙瞳明伊誰老手妙無敵

奪得天機歸筆力所翁之後豈無傳只恐驚愁山鬼泣
龍兮龍兮真有神須臾變化隨屈伸何當吸盡滄海水
徧澤枯槁皆回春

題龍

明周述

虬龍靈變不可測蜿蜒歲久蟠滄溟碧波怒捲若山立
朱橋似欲凌空行是誰寫此得真趣白晝高堂起煙霧
慎莫雙眸更點睛只恐乘雲天上去

題王宰所藏墨龍

元柳貫

飛廉為御豐隆車憑陵九淵傾尾閭誰與發墨啓玄奧
神光躡斗旋其樞湖邊竹屋清夜徂防有沒人來摘珠

題陳所翁畫龍

元薩都拉

畫龍天下稱所翁禿筆光射驪珠宮長廊白日走雲氣
大厦六月生寒風興來一飲酒一石手提玄兔植霹靂
漲天煙霧晴不收頭角崢嶸出牆壁全形具體得者稀
今日海邊親見之滿堂光焰動鱗甲倒披海水空中飛
凌風直上九天去天下蒼生望霖雨太平天子居九重

黍稷穰穰千萬古

墨龍

元張雨

高昌世子寫墨龍此龍乃出開元東井中東井水與天

河通龍下取水遺其蹤道人識墨

闕一字

帝子逃入世子

之筆鋒井頭夜半飛霹靂元氣淋漓雪色碧一鎖銀牀
五百年纔點目睛生羽翼

謝徽上人見惠二龍障子以短歌酬之

唐齊己

我見蘇州崑山佛殿中金城柱上有二龍老僧相傳道
是僧繇手尋常入海共龍鬪又聞蜀國玉局觀有孫遇
跡盤屈身長八十尺遊人爭看不敢近頭覷寒泉萬丈
碧近有五羊徽上人閒工小筆得意新畫龍不誇頭角
及鬚鱗只求筋骨與精神徽上人真藝者惠我雙龍不
言價等閒不敢將懸挂恐似葉公好假龍及見真龍却
驚怕

上清盧道士所藏雙龍圖

元成廷珪

仙潭烟霧曉冥冥彷彿飛空劍氣腥巖穴幾年當蛻骨
畫圖今日露真形天瓢水淺陰猶伏寶藏雲深夜不扃
好就盧敖聽驅使八方行雨鼓風霆

雙龍圖

元張憲

雲谷道人手持一片東溪鱸雲林散人為作雙龍出入
清潮圖硯池濃磨五斗墨手塗脚蹋頃刻雲模糊既不
為爬山引九子亦不作掣電吞雙珠但見一龍盤空偃
蹇飛下尾間穴一龍攪海奮迅直上青天衢雄者筋脈

緊雌者腹肚羸雙銜交挺白玉柱兩角對樹青銅株宛
宛脩尾卷蹴浪花白聶聶鉅甲挾拍相風烏性馴肯入
孔甲駕氣惡欲踢豐隆車張吻啖阿香舞爪擎天吳轟
霆時或取旱魃飛雨自足蘇焦枯寸池尺沼雖云不能
一日處十年未用猶可高臥南陽廬雲谷子七寶鉢盂
深袖手雲林子光環金錫且載酒吾將倒三江傾五湖
洗餘百戰玄黃血盡率凡鱗朝帝都

題雲龍

元
袁
楠

玉淵發靈籟摩盪超九天調鉛靜名之帖首在我前

題雲龍

明杜嗣昌

天矯騰空勢欲盤墨雲漲壁畫漫漫生平學得屠龍技
把劍偏從畫裏看

題蒼龍戲海圖

元陳泰

天孫織雲春錦紅玉梭悞落乘剛風一夕變化雲冥濛
海水起立為珠宮坐令年年機杼空誰與黼黻上帝躬
求梭不得愁鬼工安知入君懷袖中

郭恕先升龍圖

二首

元鄧文原

海上參差十二樓，閼風玄圃綵雲浮。
神仙尚厭人間世，故作乘龍汗漫遊。

建章宮闕漏沈沈，翠輦春遊接上林。
未識嫦娥天上樂，廣寒丹樹五雲深。

題太玄天師畫升龍圖

元柳貫

博大真人衡氣機，硯池傾倒墨龍飛。
風風雨雨成功後，却蛻升形上衮衣。

題廣微天師昇龍圖

元錢惟善

嘘氣乘雲薄太清
墨卿靈怪硯池腥
波濤光彩失雙劍
風雨晦冥驅六丁
朱火騰空照碧落
翠鱗垂水捲滄溟
真人上挾飛仙去
安得攀髯過洞庭

題曜海朝天龍圖

元歐陽玄

玄雲霍霍海波立
神龍挺水趨天潢
畫師題筆晚八極
意與元氣爭毫芒
玉京仙聖驂翱翔
雜騎麒麟與鳳凰
龍拖雲氣歸洞府
海日杲杲天中央

僧傳古踴霧出波龍圖歌

元柳貫

葉公好龍致真龍精氣所感無不通僧中劉累有傳古
夜夢捷入驪龍宮陽暉焰焰陰魂動左右給侍皆魚蟲
探珠不得逢彼怒轟然鼓鬣興雷風潛窺竊識領其妙
寫之萬楮將無同目睛數月纔一點波浪只尺如層空
乘雲執鏡麾電母跨海獻寶招河宗劉嘗善篆古善畫
得意忘象象乃工為龍為畫了不識有頃嘆水投長虹
龍乎龍乎德正中超忽變化天為功絳宮帝子秉節從

九淵喚起赤鯉公永奠鼇極開鴻濛

雲龍教子圖

元卞恩義

龍公頭角何嶄然教子駕雲飛上天語之慎勿習癡懶
旱水盤盤井底眠

老龍引子歸潮圖

明曾烜

海門秋氣橫江來怒濤殷地如奔雷蒼龍教子習潮勢
排風噴雪煙雲開憶昔深潭事冲舉直上穹霄輕一羽
曾噓數滴翻瓢漿散作九州三日雨只令回顧忍潛蹤

引子不敢施神通却愁幼小易飄忽一瞬萬里天無工
我聞靈物多奇異潛飛大小皆隨意畫師恐是張僧繇
寫向生綃若真致龍今有子猶世人古來有欲皆可馴
何當重起豢龍氏愛養留作商巖臣

題羣龍圖

明劉基

世間萬類皆可親茫昧獨有鬼與龍此圖畫龍二十四
狀貌詭譎各不同得非物產有異種或曰神變無常蹤
一龍捷尾欲上水足爪猶在齋沚中一龍出穴飲澗底

頭上飛瀑瀉白虹前有一龍已在雲顧視厥子揚雙瞳
浪波魚鱗沓磴礧日車塊北天無風中庭兩龍忽相逢
須睂葩髣如老翁便欲角觝爭雌雄西望積石接崆峒
白龍擘石窺流淥河伯遠遁虛其宮屈蟠睡者何龍鍾
老物用亢時當終峽外六龍獐以兇矜牙舞爪起戰攻
齧鱗嚼甲含劍鋒陷胷折尾波血紅之死弗悟人誰恫
一龍引吭將欲從迴環睂眄未敢通最後一龍藏於壑
睥睨勝敗非愚种無乃有意收全功雲中弄珠勞爾躬

不如臥沙之從容龍子學飛力未充母在下視心憧憧
何物一角額準隆赭然出洞若蛇蟲有龍接之自龍從
恐是鞏穴王鮪公皮骨始脫形猶蒙兩龍歸來倦不矜
癡龍攀石身已癢蚴蚪偃蹇歛騰衝蜿蟺攫躍鬚髮聳
呿呀奔拏曲如弓百態並作何紛龐是耶非耶孰能窮
畫師昔有僧繚工能令真龍下虛空安得伶倫截竹筒
吹之呼龍出石罅使我一見豁昏瞢

六龍圖

明丘濬

顥蒼生萬類行天莫如龍純秉至陽精卓為鬼物雄大
小靡定形去住無常蹤一之已難見況乃六者交騰衝
一龍昂首揚其鬚奮起直上擎虛空一龍捷尾出奔沕
迴身轉脊如宛虹其餘兩兩峙相向戲弄明月雲濤中
矜牙露其爪氣勢何磅礴是時元氣濕濛濛河海起立
地天道鬼神盡泣真宰怒呵叱屏翳驅豐隆嗚呼神物
變化不可窮胡為羣聚如昆蟲無乃畫工巧為此潛以
翰墨偷天功君不見古來好者有葉公真龍聞之降其

宮又不見近來畫者有洞微真龍現相來相從君從何
處得此本彷彿似是原本闕三字精誠感通理或有慎勿輕
易為點瞳會須一夜原本闕二字去轟雷鼓驚天風沅下土
霑耕農

題九龍圖

元 郊 韶

九龍起幽壑百谷走春雷峽坼蒼厓斷天傾白浪迴朝
行神禹穴莫過楚王臺應有天瓢手為霖遍九垓

題陳所翁九龍戲珠圖

元 張 翥

兩龍頡頏出重淵白日移海空中懸一龍回矯一倒起
側磔胡髯怒歆水大珠炎炎如彈丸爪底雲頭爭控搏
一龍仰首逆鱗露兩龍旁晚蒼崖蟠怪風狂電浩呼洶
天吳崢嶸立八山動一龍後出尤崛竒半尾戲繞蜿蜒兒
兒生未角已神猛一顧却走千蛟螭陳翁硯池藏霹靂
往往醉時翻水滴便覺天瓢入手來雨氣糝糊渾是墨
我嘗見畫多巨幅簸蕩驚濤駭人目何如此筆窮變化
三尺微綃形勢足是翁前身定龍精故能吸歛奔精靈

卷圖還君慎封鎖但恐破壁飛空真

榮碧潭全身龍

元歐陽玄

巨壑深溪萬水淙四時濃黛浸千峰天衢邂逅全身露
還信碧潭盤老龍

所性姪藏所翁金身戲珠龍

元歐陽玄

萬戶千門夜半雷明朝日出五雲堆老龍引領春消息
翫弄明珠未肯來

玉龍圖

元虞集

貝闕澄澄海月生水晶簾影接空明
鰕綃翦得霓裳就却擁冰髯上太清

題陳所翁畫墨色臥龍

二首

元馬臻

集霧流雲意匠勞天風鱗甲動霜毫
莫教流落人間世怕有當年葉子高

曾出泰山飲渭川怒風翻浪自高眠
如今四海均霖雨不用拏雲上九天

臥龍圖

元許有壬

能辨人間大有年九淵誰遣抱珠眠等閒莫似隆中起
雨得西南叢爾天

參龍圖

宋魏了翁

乾坤包萬有納納百囊畧人位乎兩間利與害為禦一
氣貫四時五風甘雨神龍以為畜擾御不予侮河有
背負圖庭無釐沅女義理之不明人情自疑沮範圍吾
職分往往若違拒同室操戈鋌一身隔肺腑帝王參龍
意棄置那復取四靈非不靈有不得其所生息之相吹

古今類如許古人體天意萬物我其主蟲莫知於龍拊
循如士伍今何故無人亦足驗胷府聲和鳳來儀心平
轡如組矧伊人中瑞治亂係嘿語欲入而閉門誰出不
由戶茲事闕人心作詩附農圃

贈玉龍曾道士畫龍頭

元僧圓至

乘龍逃雨走急落西山陬縮入畫仙筆雷公不能搜畫
仙有墨池尺水涵十洲俗龍作玄骨騎入塵寰遊我求
寫龍真畫仙許我不形全恐飛去為君且畫頭

擬題素卷龍頭

明葉盛

殿前同日奉絲綸屈指今過二十春
一管宣毫還好在龍頭不畫畫麒麟

題烏王啖龍圖

明王世貞

黑風吹海海水立琉璃宮中老龍泣此時鼓翼天關摧
左足下蹴龍宮開海人明珠若明月願贖龍軀了無咎
鬣參鼉吏祈以身天廚朝鋪不爾珍老拳頓額隆準圻
雙角拉枯血中擘敗鱗飛空空欲赤餘噫尚足呼風霆

擲火波底流金鈴宛轉骨盡神不靈我聞閻浮提三千
六百海一龍一餐八萬載須彌山傾劫福竭烏王與龍
竟誰在君不見龍兒一夢何其聰可憐宮中羣小龍金
翅乃是宣城公

題春雷出蟄圖

明王世貞

一夜春雷發羣蟄自相語神龍豈不勞人間要霖雨

題毛維勤所藏禹門三躍圖

明顧清

一夕風雷動九重春江回首萬鰐鰓雲泥只尺從人辨

諸葛南陽本是龍

御定歷代題畫詩類卷一百八